

## Saksprotokoll i fylkestinget - 11. og 12.06.2014

### OPNING AV FYLKESTINGET

Til å skriva under møteboka saman med fylkesordføraren vart Jostein Ljones og Aslaug Hellesøy valde.

Fylkesordføraren gjorde framlegg om at møteboka vert godkjend av fylkesordføraren og dei som vart oppnemnde til å skriva under møteboka. Fylkestinget slutta seg til dette.

Fylkesordføraren heldt minneord om Hans Halden.

Ordfører i Voss kommune, Hans Erik Ringkjøp, helste fylkestinget.

Fylkesordføraren heldt opningstalen sin til fylkestinget.

Kst. fylkesrådmann heldt sin tale.

### ORDSKIFTET ETTER TALANE

Etter talane var det ordskifte. 12 representantar hadde ordet.

I samband med talane til fylkestinget sette **Nils-Olav Nøss** fram slikt forslag til fråsegn:

#### **"Regjeringa sviktar Hordaland i Kommuneproposisjonen!**

Regjeringa la 14. mai fram Kommuneproposisjonen for 2015, og forslag til nytt inntektssystem for fylkeskommunane.

Forslaget til nytt inntektssystem får store verknader for Hordaland. Vi får ein omfordelingseffekt i inntektssystemet som for Hordaland fylkeskommune utgjør eit nedtrekk på 122 millionar kroner etter at overgangsordningane er avslutta. Samtidig får Oslo ein auke på 597 millionar kroner. Omfordelinga mellom Oslo og dei andre fylkeskommunane i dette forslaget, er vanskeleg å forstå og grunnje.

I det nye systemet tapar Hordaland fylkeskommune inntekter på:

- Vidaregåande opplæring (-23,4 mill.)
- Tannhelse (-2,6 mill.)
- Buss og bane (-123,9 mill.)
- Båt og ferje (-58,6 mill.)

Sjølv om Hordaland fylkeskommune får ei positiv løyving på 108,2 millionar til fylkesvegar, er totalbeløpet på samferdsel åleine på -74,3 millionar. Det er uforståeleg for oss at til dømes Rogaland får dobbelt så stor økonomisk utteljing for båtruter som Hordaland.

Hordaland fylkesting krev at Regjeringa tar tak i den tydelege skeivdelinga av inntekter som det nye inntektssystemet medfører. Regjeringa må gå igjennom fordelinga av inntekter på nytt med sikte på å omfordele midlar frå Oslo og andre som har fått stor auke i midlar som omfordelingseffekt. Slik proposisjonen no framstår, er det ei kraftig prioritering av hovudstaden framfor andre. Dette er opplever vi som sterkt urimeleg."

Fylkestinget tok stilling til om forslaget skulle realitetsbehandlast på slutten av tingsetet.

29 av representantane (H, Frp, V) røysta mot at forslaget skulle realitetsbehandlast. Saka vart dermed ikkje realitetsbehandla. Jf. kommunelova § 34 nr. 1, 2. setning, som seier at det kan gjerast vedtak i sak som ikkje står på saklista dersom ikkje møteleiar eller 1/3 av dei møtande medlemene motset seg dette.

**Aud Karin Oen** sette fram slikt forslag:

"Fylkestinget gjev Cornerteateret eit eingongstilskot på 250.000. Vert dekt av overskot driftrekneskapen."

Fylkestinget tok stilling til om forslaget skulle realitetsbehandlast på slutten av tingsetet.

29 av representantane (H, Frp, V) røysta mot at forslaget skulle realitetsbehandlast. Saka vart dermed ikkje realitetsbehandla.

**Tom Skauge** fram slikt forslag:

"Fylkestinget beklager at Regjeringen har valgt å fremme fergeløs E39 som statlig reguleringsplan.

Denne sentraliseringen svekker kommunene og andre legitime interessers mulighet for å fremme alternative forslag og sikre bred lokal forankring for gode planer."

Fylkestinget tok stilling til om forslaget skulle realitetsbehandlast på slutten av tingsetet.

53 av representantane (H, V, Frp, A, Sp, SV, KrF) røysta mot at forslaget skulle realitetsbehandlast. Saka vart dermed ikkje realitetsbehandla.

## PRESENTASJONAR

### Fylkestinget - 11.06.2014

**Deloitte v/ Line Johansen** presenterte revisjonsrapporten i samband med sak 22/14: Forvaltningsrevisjon av tilskotsforvaltning innanfor kulturområdet – revisjonsrapport.

### Fylkestinget - 12.06.2014

#### Orientering frå næringsorganisasjonar i Hordaland

Følgjande presenterte verksemda si for fylkestinget:

Arbeidsstad	Etternamn	Fornamn	Stilling
Atheno AS	Lien	Åge	Adm. direktør
Business Region Bergen	Hope	Ole	Adm. direktør
Bergen Reiselivslag	Warberg	Ole	Reiselivsdirektør
Samarbeidsrådet for Sunnhordland	Gjerde	Gro Jensen	Dagleg leiar
Hardangerrådet IKS	Vambheim	Leiv	Dagleg leiar
Region Norhordland	Heradstveit	Rune	Dagleg leiar
CONNECT	Elvestad	Hege	Dagleg leiar
Fjord Norge AS	Jørgensen	Kristian	Adm. direktør
Fiskeriforum Vest	Hoel	Tanja	Dagleg leiar
Destinasjon Voss AS	Bahus	Tom Erling	Dagleg leiar
Fuzz AS	Rognaldsen	Tor Ole	CEO/CFO/COO
Gode Sirklar	Nilsen	Sverre Konrad	Arbeidande styremedlem

HOG Energi	Lunde	Ove	Dagleg leiar
Industriutvikling Vest AS	Brundtland	Børge	Dagleg leiar
Maritimt Forum	Andersen	Susanne Rislå	Dagleg leiar
Media Region Bergen / Mediarena	Opsvik	Stig Frode	Dagleg leiar
NCE Tourism	Bårtvedt	Randi	Hovudprosjektleiar
Osterfjord Næringsssamarbeid	Mjøs	Lars	Sekretariat
Reisemål Hardanger Fjord AS	Andersen	Hans Jørgen	Reiselivsdirektør
UPTIME Centre of Competence	Vindenes	Knut	Dagleg leiar
Design Region Bergen	Hannestad	Monica	Direktør